

কুরআন ও সহীহ সুন্নাহৰ আলোকে

ঈদের সংক্ষিপ্ত মাসায়িল

শাহখ মতীউর রহমান মাদানী
আলোচক, পিস টিভি বাংলা

ঈদের সংক্ষিপ্ত মাসায়িল


সংকলন

শাইখ মতীউর রহমান মাদানী

অনার্স হাদীস, ইসলামী বিশ্ববিদ্যালয় মদীনাহ, সৌদি আরব।
বিশিষ্ট আলিম, গবেষক ও আলোচক পিচ টিভি বাংলা।
দাঙ্গি, ইসলামীক কালচারাল সেন্টার, দাম্মাম, সৌদি আরব।

المختصر المفید فی أحكام العید
إعداد: الشیخ مطیع الرحمن المدنی

কুরআন ও সহীহ সুন্নাহৰ আলোকে রচিত তথ্য সমৃদ্ধ কিতাব
প্রকাশে সচেষ্ট ব্যতিক্রমধর্মী



ওয়াইদিয়া ইসলামিয়া লাইব্রেরী
রাণীবাজার, রাজশাহী, বাংলাদেশ।
০১৭৩০-৯৩৪৩২৫, ০১৯৭০-৯৩৪৩২৫

প্রকাশক

যায়নুল আবিদীন বিন মুহাম্মদ

ডি.এইচ (মুমতায়), বি.এ অনার্স (ইসলামিক স্টাটিজ), রাবি।
সহকারী শিক্ষক, মাদ্রাসা ইশাআতুল ইসলাম আস-সালাফিয়াহ

প্রকাশনায়

(রাজান ও সহীহ সুন্নাহর আলোকে রচিত তথা সম্মুক্ত কিতাব প্রকাশে সচেষ্ট ব্যতিক্রমধর্মী)

ওয়াহীদিয়া ইসলামিয়া লাইব্রেরী

রাণীবাজার, রাজশাহী, বাংলাদেশ।

০১৭৩০-৯৩৪৩২৫, ০১৯৭০-৯৩৪৩২৫,

wahidiyalibrary@gmail.com

ওয়েব: <http://wahidiyalibrary.blogspot.com>

প্রকাশকাল

প্রথম প্রকাশ: ১৪ ফেব্রুয়ারী ২০১৬ ইসায়ী।

বিন্যাস

হাবিবুল্লাহ

প্রচ্ছদ

মাক্রুমুর রহমান

সহকারী শিক্ষক, মাদ্রাসা ইশাআতুল ইসলাম আস-সালাফিয়াহ



নির্ধারিত মূল্য: ১০ টাকা মাত্র

সূচীপত্র

◇ ঈদের বিধান সম্পর্কে গুরুত্বপূর্ণ ও সংক্ষিপ্ত আলোচনা	৪
১. ঈদের সলাতের বিধান	৪
২. ঈদের সলাতের আগে ও পরে নফল পড়ার বিধান	৬
৩. ঈদের সলাতের স্থান	৭
৪. ঈদের সলাতের সময়	৮
৫. ঈদের সলাতের জন্য কোন আয়ান নেই	৮
৬. খুত্বার আগে ঈদের সালাত	৯
৭. ঈদের সলাতের তাকবীর	১০
৮. ঈদের সলাতের কুরআত	১১
৯. ঈদের সলাতে কায়া করা	১২
১০. সফরে ঈদের সলাত	১৪
১১. জুম্মা ও ঈদ একত্রিত হওয়া	১৫
১২. ঈদের খুত্বার বিধান	১৬
◇ ঈদের সুন্নাত ও মুস্তাহাব কাজসমূহ	১৭
১. ঈদে তাকবীর (আল্লাহ আকবার) পাঠ করা.....	১৭
২. গোসল এবং সাজ-সজ্জা	১৮
৩. ঈদের সলাতের পূর্বে খাওয়া	১৯
৪. ঈদগাহে বের হওয়ার জন্য তাড়াতাড়ি করা	২০
৫. মহিলা ও শিশুদের ঈদগাহে যাওয়া	২০
৬. ঈদগাহে হেঁটে যাওয়া	২১
৭. ঈদের মুবারকবাদ দেয়া	২২
৮. ঈদগাহে যাতায়াতে পরিবর্তন	২২
৯. ঈদে খুশী-আনন্দ.....	২৩

بِسْمِ اللّٰهِ الرَّحْمٰنِ الرَّحِيْمِ

ঈদের বিধান সম্পর্কে গুরুত্বপূর্ণ ও সংক্ষিপ্ত আলোচনা

সমস্ত প্রশংসা একমাত্র আল্লাহর জন্য। সলাত ও সালাম
বর্ষিত হোক শেষ নবী মুহাম্মাদ ﷺ এর উপর।

অতঃপর মহান আল্লাহর মহা অনুগ্রহ ও দয়ার অন্যতম
হলো যে, তিনি আমাদেরকে এমন কিছু দিবস দান
করেছেন, যাকে আনন্দ উৎসবের জন্য নির্দিষ্ট করেছেন
এবং তাতে অতি সুন্দর রহস্য নিহিত রেখেছেন। আর
আমাদেরকে ঐ দিবস গুলিতে একে অপরের সাথে সাক্ষাৎ
ও মুবারকবাদ পেশ করার জন্য উৎসাহিত করেছেন।
কারণ, তিনি নিজ বান্দা সম্পর্কে এবং তাদের জন্য যা
উপকারী তা সম্পর্কে সম্যক জ্ঞান রাখেন। আমি এই
পুন্তিকায় সংক্ষিপ্তাকারে ঈদের বিধানাবলী উল্লেখ করব
ইনশাআল্লাহ।

১. ঈদের সলাতের বিধান

ঈদের হুকুম (বিধান) সম্পর্কে আলেমগণের মধ্যে
মতভেদ রয়েছে, তবে বলিষ্ঠ মত হলো যে, তা ফরয।
যার দলীল:

১. মহান আল্লাহ এই সলাতের আদেশ দিয়েছেন-

﴿فَصَلِّ لِرَبِّكَ وَاخْرُج﴾

সুতরাং তোমার প্রতিপালকের উদ্দেশ্যে সলাত (ঈদের নামায) আদায় কর এবং কুরবানী কর।^১

কারণ, মহান আল্লাহর নির্দেশ পালন করা ফরয। আর নবী ﷺ মহিলাদেরও ঈদগাহে যাওয়ার নির্দেশ দিয়েছেন।

২. প্রিয় নবী ﷺ ঈদের সলাত সর্বদা আদায় করেছেন এবং তিনি ﷺ কখনো এই সলাত ছাড়েননি।

৩. ঈদের সলাত দ্বীন ইসলামের প্রকাশ্য নির্দর্শনের অন্তর্ভুক্ত, আর ইসলাম ধর্মের প্রকাশ্য নির্দর্শন হচ্ছে ফরয; যেমন আযান ইত্যাদি।

আর সেই জন্য শাইখুল ইসলাম ইমাম ইবনু তাইমিয়াহ (আলহাফা) বলেন, “আমরা এই মতটিকে প্রাধান্য দিয়েছি যে, ঈদের সলাত প্রত্যেক ব্যক্তির উপর ফরয এবং যারা বলেন যে, তা ফরয নয়; উক্ত মতটি দলীল প্রমাণ হতে অনেক দূরে। কেননা, ঈদ হচ্ছে ইসলামের একটি নির্দর্শন এবং মুসলিমগণ এই ঈদে জুমার চেয়েও বেশী সংখ্যায় সমবেত হন এবং তাতে তাকবীরের বিধান দেয়া হয়েছে। পক্ষান্তরে যারা বলেন যে, তা ফরযে কিফায়া উক্তিটি যুক্তিযুক্ত নয়।

ঈদের সলাত ফরয, এই উক্তিটির সমর্থন করেছেন, ইমাম ইবনুল কুইয়্যুম, ইমাম শাওকানী, ইমাম ইবনু সাদী এবং ইবনু উসাইমীন (জ্ঞানী)। তাই ঈদের সলাতে উপস্থিত হতে গাফিলতিকারীরা আনন্দ-উৎসবের দিনে বড়

গুনাহগার ও মহান আল্লাহর পুরষ্কারের দিবসে নিঃসন্দেহে
ক্ষতিগ্রস্ত ।

২. ঈদের সলাতের আগে ও পরে নফল পড়ার বিধান

ক) ইবনু আবু আবাস (رضي الله عنه) হতে বর্ণিত, তিনি বলেন,

أَنَّ النَّبِيَّ صَلَّى اللَّهُ عَلَيْهِ وَسَلَّمَ صَلَّى يَوْمَ الْفِطْرِ رَكَعَتَيْنِ
لَمْ يُصَلِّ قَبْلَهَا وَلَا بَعْدَهَا

নবী ﷺ ঈদুল ফিতরের দিন (ঈদগাহের উদ্দেশ্যে)
বের হলেন এবং দুই রাকা‘আত সলাত আদায় করলেন,
উহার আগে কিংবা পরে কোন সলাত পড়লেন না ।^২

খ) আবু সাইদ খুদরী (رضي الله عنه) হতে বর্ণিত । তিনি বলেন,

كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ لَا يُصَلِّي قَبْلَ
الْعِيدِ شَيْئًا . فَإِذَا رَجَعَ إِلَى مَنْزِلِهِ صَلَّى رَكَعَتَيْنِ

“রসূল ﷺ ঈদের পূর্বে কোন সলাত পড়তেন না, কিন্তু
যখন বাড়ি পৌছতেন, দুই রাকা‘আত সালাত আদায়
করতেন” ।^৩

তাই উক্ত দুইটি হাদীস দ্বারা প্রমাণিত হয় যে

১. ঈদের সলাতের আগে বা পরে কোন সুন্নাতে
মু’আকাদাহ বা নফল সলাত নেই, যা ইবনু আবাসের
হাদীস দ্বারা সুস্পষ্ট ।

২. বুখারী তাৎ. হা/৯৩১ ও মুসলিম মাশা. হা/১১৬১, মিশকাত হা.এ. হা/১৪৩০

৩. ইবনু মায়াহ তাৎ. হা/১২৯৩, আল্লামা আলবানী হাদীসটিকে হাসান বলেছেন

২. তবে যদি কেউ ইদের সলাতের পর বাড়িতে সলাত আদায় করে তবে তা সুন্নাত হবে; যদি তার সলাতুয্যুহা (চাশ্তের সলাত) পড়ার আমল থাকে, যা আবু সাউদ رض এর হাদীস দ্বারা প্রমাণিত হয়।

৩. যখন ইদের সলাত মসজিদে আদায় করা হবে, তখন দুই রাকা‘আত সলাত পড়েই বসবে। কেননা, আবু কাতাদা رض নবী ﷺ থেকে বর্ণনা করেন, তিনি বলেছেনঃ

عَنْ أَبِي قَتَادَةَ أَنَّ رَسُولَ اللَّهِ صَلَّى اللَّهُ عَلَيْهِ وَسَلَّمَ قَالَ إِذَا دَخَلَ أَحَدُكُمُ الْمَسْجِدَ فَلْيَرْكِعْ

অর্থাৎ, “তোমাদের কেউ যখন মসজিদে প্রবেশ করবে তখন বসার আগে দুই রাকা‘আত সলাত আদায় করে নিবে।”^৪

৩. ইদের সলাতের স্থান

প্রিয় নবী ﷺ মসজিদ বাদ দিয়ে ঈদগাহের উদ্দেশ্যে বের হতেন। অনুরূপ খলীফাগণও তার উপর আমল করতেন। নবী ﷺ মসজিদ কাছে থাকা সত্ত্বেও ঈদগাহে গমন করতেন। কারণ, সেটাই ছিল উত্তম এবং তিনি নিজ উম্মতের জন্য উত্তম কাজগুলো ছাড়া অন্য কিছুই চালু করতেন না। তবে বর্তমানে মক্কাবাসীদের হারাম শরীফে ইদের সলাত আদায়ের কারণ এই যে, মক্কা হচ্ছে

৪. বুখারী তাৰ. হা/৪৪৪, মুসলিম মাশা. হা/১৬৮৭, নাসাই মপ্র. হা/৭৩০, তিরমিয়ী মপ্র. হা/৩১৬, ফিশকাত হাএ. হা/৭০৪

পাহাড়-পর্বতে ভরা। আর সেখানে থেকে খোলা মাঠ
অনেক দুরে।

৪. ঈদের সলাতের সময়

ঈদের সলাতের সময়, সূর্যের এক বর্ণ পরিমাণ উঁচু
হওয়া থেকে সূর্য ঢলে যাওয়া পর্যন্ত। ইমাম ইবনু বাতাল
(আলহাফ্রা) বলেন, ফুকাহাগণ এই ব্যাপারে একমত যে, ঈদের
সলাত সূর্যোদয় হওয়ার আগে বা সূর্যোদয় হওয়ার সময়
পড়া যাবে না, প্রকৃতপক্ষে যে সময় নফল সলাত পড়া
জায়েয়, সে সময়টি ঈদের সলাতের সময়।

আল্লামা ইমাম ইবনুল কাইয়্যুম (আলহাফ্রা) বলেন, নবী ﷺ
ঈদুল ফিতরের সলাত বিলম্ব করে পড়তেন এবং ঈদুল
আযহা শীঘ্রই আদায় করতেন। ইবনু উমার (আলহাফ্রা) সুনাতের
বড় শক্ত অনুসারী হওয়া সত্ত্বেও সূর্যোদয় না হওয়া পর্যন্ত
(ঈদের সলাতের জন্য) বের হতেন না।

৫. ঈদের সলাতের জন্য কোন আযান নেই

ইবনে আবাস ও জাবির (আলহাফ্রা) হতে বর্ণিত আছে, তাঁরা
বলেন, ঈদুল-ফিতর ও ঈদুল আযহা (সলাতের) জন্য
আযান দেওয়া হতো না। জাবির বিন সামুরা (আলহাফ্রা) হতে
বর্ণিত আছে, তিনি বলেন,

عَنْ جَابِرِ بْنِ سَمْرَةَ قَالَ صَلَّيْتُ مَعَ النَّبِيِّ صَلَّى اللَّهُ عَلَيْهِ
وَسَلَّمَ غَيْرَ مَرَّةٍ وَلَا مَرَّتَيْنِ الْعِيدَيْنِ بِغَيْرِ أَذَانٍ وَلَا إِقَامَةٍ

আমি রসূলুল্লাহ ﷺ এর সঙ্গে বহুবার ঈদের সলাত পড়েছি; বিনা কোন আযান ও একামতে।^৫

ইমাম মালিক খনজুর বলেন, এটিই হচ্ছে সুন্নাত, যাতে আমাদের কোন মতভেদ নেই এবং ইবনু কুদামা এর উপর ইজমা' (এক্যমত) উল্লেখ করেছেন। ঈদের সলাতের জন্য একত্রিত করার উদ্দেশ্যে “আস্সলাতু জামিআহ” (অর্থাৎ, সলাতের জন্য একত্রিত হয়ে যাও) বা অন্য কোন বাক্য দ্বারা কোন ডাক দেয়া হত না। বরং নবী ﷺ ঈদগাহে পৌঁছে গেলেই সলাত আদায় করে নিতেন।

৬. খুত্বার আগে ঈদের সলাত

ইমাম ইবনু কুদামা খনজুর খুত্বার পূর্বে ঈদের সলাত আদায়ের উপর ইজমা' (এক্যমত) বর্ণনা করেছেন। ইমাম ইবনুল মুনফির খনজুর বলেন, রসূল ﷺ হতে প্রমাণিত আছে যে, তিনি ঈদের দিন খুত্বার পূর্বে সলাত আরম্ভ করতেন, তেমনি ভাবে হোয়াতপ্রাপ্ত খুলাফায়ে রাশেদীনও করতেন, এবং এই মতের উপর মুসলিম বিশ্বের সমস্ত আলিমগণ একমত আছেন। ইবনু আবাস খনজুর বলেন,

عَنْ أَبْنِ عَبَّاسٍ قَالَ شَهِدْتُ الْعِيدَ مَعَ رَسُولِ اللَّهِ صَلَّى
اللَّهُ عَلَيْهِ وَسَلَّمَ وَأَيْ بَشَرٍ وَعُمَرَ وَعُثْمَانَ رَضِيَ اللَّهُ عَنْهُمْ
فَكُلُّهُمْ كَانُوا يُصَلُّونَ قَبْلَ الْخُطْبَةِ

৫. মুসলিম মাশা. হা/২০৮৮. আবু দাউদ আলএ. হা/১১৪৮, মিশকাত হাএ.
হা/১৪২৭

আমি নাবী ﷺ, আবু বক্র, উমার, ও উসমান رضي الله عنه
এর সাথে উপস্থিত ঈদের সলাতে থেকেছি, তাঁরা সবাই
খুত্বার পূর্বে (ঈদের) সলাত আদায় করতেন।^৬

৭. ঈদের সলাতের তাকবীর

শাহীখুল ইসলাম ইমাম ইবনু তাইমিয়্যাহ رحمه الله বলেন:
মুসলিম উম্মত এই ব্যাপারে একমত যে, ঈদের সলাত
অতিরিক্ত তাকবীরে বৈশিষ্ট্যমণ্ডিত।

তাকবীরের সংখ্যা: প্রথম রাকাতে রুকুর তাকবীর
ছাড়া সাত তাকবীর দিবে এবং দ্বিতীয় রাকাতে উঠে
দাঁড়ানোর তাকবীর ছাড়া পাঁচ তাকবীর দিবে। এটিই
ফুকাহায়ে সাব'আর (তাবেঙ্গণের মধ্যে প্রথ্যাত সাতজন
ফকীহগণ) অভিমত।

আম্র বিন শুয়াইব আপন পিতা হতে এবং তাঁর পিতা
তাঁর দাদা থেকে বর্ণনা করেন, সেই হাদীসে বর্ণিত হয়েছে
যে,

عَنْ عَمِّرٍو بْنِ شُعَيْبٍ عَنْ أَبِيهِ عَنْ جَدِّهِ أَنَّ النَّبِيَّ صَلَّى
اللَّهُ عَلَيْهِ وَسَلَّمَ كَبَرَ فِي صَلَاةِ الْعِيدِ سَبْعًا وَخَمْسًا. حَسْنٌ

صحيح

নবী ﷺ ঈদের সলাতে বারো তাকবীর দিয়েছেন; প্রথম
রাকা'আতে সাত এবং দ্বিতীয় রাকা'আতে পাঁচ তাকবীর।^৭

৬. বুখারী তাও. হা/৯৬২, মুসলিম মাশা. হা/২০৮৯ ইবনে উমার বা. হতে বর্ণিত,
নাসাই মপ্র. হা/১৫৬৪, তিরমিয়ী মাপ্র. হা/৫৩১, মিশকাত হাএ. হা/৭০৪

প্রত্যেক তাকবীরের সাথে তিনি উভয় হাত উঠাতেন। এই বিষয়ে ওয়াইল বিন হজরের হাদীস বর্ণিত আছে যে, তিনি ~~ক্ল~~ প্রত্যেক তাকবীরের সাথে আপন হাত দু'খানা উঠাতেন।

তাকবীরের মাঝে যিকৰ : এই ব্যাপারে নবী ~~ক্ল~~ থেকে কোন কিছু উল্লেখিত হয়নি। তবে উক্বা বিন আমের ~~ক্ল~~ বলেন, আমি ইবনে মাসউদ ~~ক্ল~~ কে জিজেস করলাম যে, ঈদের তাকবীরগুলোর পরে কী বলবে? তিনি বললেন, আল্লাহর প্রশংসা ও গুণ-গাণ করবে এবং নবী ~~ক্ল~~ এর উপর সলাত (দরুদ) পাঠ করবে।

৮. ঈদের সলাতের কৃতিত্ব

ঈদের সলাতের প্রথম রাকা'আতে 'সূরাহ কু'ফ' ও দ্বিতীয় রাকা'আতে 'সূরাহ কুমার' পাঠ করা সুন্নাত। কেননা, নবী ~~ক্ল~~ উভয় ঈদে উক্ত সূরাহ দুটি পাঠ করতেন যা আবু ওয়াকিদ আল-লাইসীর হাদীসে বর্ণিত আছে।

অথবা প্রথম রাকা'আতে সূরাহ আ'লা এবং দ্বিতীয় রাকা'আতে 'সূরাহ গাশিয়াহ'। কারণ, নু'মান বিন বাশীর ~~ক্ল~~ এর বর্ণিত হাদীসে আছে যে, নবী ~~ক্ল~~ ঈদের সলাতে এ সূরাহ দুটি পাঠ করতেন।^৭

৭. ইবনু মাজা তা.ও. হা/১২৭৮ ও আহমাদ, আল্লামা আলবানী হাদীসটিকে হাসান সহীহ বলেছেন

৮. মুসলিম খাশা. হা/২০৬৫, মিশকাত হা.ও. হা/৮৪০

যখন ঈদ ও জুম'আ একই দিনে মিলিত হবে তখন উভয় সূরাহ্ ঈদে ও জুম'আতে পাঠ করলে কোন আপত্তি নেই; কেননা উভয় সূরাহ্ উক্ত দুই সলাতে পাঠ করা সুন্নাত।

৯. ঈদের সলাতে কায়া করা

(ক) যদি ঈদের সংবাদ সূর্য মাথার উপর থেকে ঢলার পর (বিকেলে) জানা যায়, তাহলে পরের দিন (ঈদের) সলাত আদায় করবে। কারণ, হাদীসে বর্ণিত আছে-

عَنْ أَبِي عُمَيْرٍ بْنِ أَنَّسٍ عَنْ عُمُوْمَةِ لَهُ مِنْ أَصْحَابِ النَّبِيِّ
صَلَّى اللَّهُ عَلَيْهِ وَسَلَّمَ أَنَّ رَجُلًا جَاءَ وَاِلَى النَّبِيِّ صَلَّى اللَّهُ عَلَيْهِ
وَسَلَّمَ يَشَهِّدُونَ أَنَّهُمْ رَأَوُا الْهِلَالَ بِالْأَقْمِيسِ فَأَمْرَاهُمْ أَنْ يُفْطِرُوا
وَإِذَا أَضْبَخُوا أَنْ يَغْدُوا إِلَى مُصَلَّاهُمْ

অর্থ: উমাইর বিন আনাস (رضي الله عنه) হতে বর্ণিত হয়েছে যে, তিনি আনসার গোত্রের তার জনৈক চাচা থেকে বর্ণনা করেন, তিনি বলেন, একবার মেঘমালার কারণে শাওয়াল মাসের নতুন চাঁদ আমরা দেখতে পাইনি, তাই আমরা রোয়া অবস্থায় সকাল করি। অতঃপর সেই দিনের শেষাংশে একটি যাত্রীদল এসে সাক্ষ্য দিল যে, গতকাল তারা নতুন চাঁদ দেখেছে। ফলে নবী ﷺ সেই দিন সিয়াম

(রোয়া) ভঙ্গ করার এবং আগামী দিন ঈদের (সলাতের) জন্য (ঈদগাহে) বের হওয়ার নির্দেশ দিলেন।^৯

(খ) যদি ইমাম (ঈদের সলাতের) তাশাহুদে থাকেন (এমতাবস্থায় কেউ জামাতে শরীক হয়), তাহলে সেও তাশাহুদে বসে যাবে, তারপর (ইমাম) যখন সালাম ফিরে নিবেন, তখন সে দাঁড়িয়ে যাবে এবং দুই রাকা'আত সলাত আদায় করবে, দুই রাকা'আতেই তাকবীরগুলি পাঠ করবে।

(গ) যদি কোন ব্যক্তি ঈদের সলাত ইমামের সাথে আদায় করতে না পারে (ছুটে যায়), তবে এ বিষয়ে মতানৈক্য রয়েছে।

১. সে চার রাকা'আত কায়া আদায় করবে, এই মতটি হচ্ছে ইমাম আহমদ ও ইমাম সাওরীর। তাঁদের দলীল হচ্ছে আব্দুল্লাহ বিন মাসউদ (رضي الله عنه) এর বাণী “যার ইমামের সাথে ঈদের সলাত ছুটে গেল সে যেন চার রাকা'আত আদায় করে নেয়”।

২. সে দুই রাকা'আত কায়া আদায় করবে। ইমাম বুখারী বলেন, “যদি ঈদের সলাত ছুটে যায়, তাহলে দুই রাকা'আত আদায় করবে” এর আধ্যায়। এইমত অনুযায়ী মহিলারা এবং যারা বাড়িতে ও পল্লী গ্রামে থাকে, তারাও দুই রাকা'আত পড়বে। কারণ, নবী ﷺ এর বাণী: “এটি

৯. আহমদ ও নাসাই, আবু দাউদ আলএ. হা/১১৫৯, সুনান আদ-দারাকুতনী মাশ. হা/১৪, আল্লামা আলবানী (রহিমাহ্যমুল্লাহ) হাদীসটিকে সহীহ বলেছেন

আমাদের মুসলিমদের সৈদ”^{১০} এবং আনাস বিন মালিক আপন স্বাধীনকৃত দাস ইবনু আবি উতবাকে “যাবিয়া” নামক স্থানে তাঁর পরিবার পরিজন ও পুত্রদের একত্রিত করার আদেশ দেন এবং শহরবাসীদের মত তাকবীরের সহিত (সৈদের) সলাত আদায় করেন।

৩. কায়া করা ও না করার ব্যাপারে স্বাধীনতা রয়েছে। আবার যদি কেউ কায়া করে, তবে দুই ও চার রাকা‘আত আদায় করার ব্যাপারেও সে স্বাধীন। এটা ইমাম আহমাদ থেকে বর্ণিত একটি মত।

৪. যদি সে দ্বিতীয় জামাতে (সৈদের) সলাত আদায় করে তাহলে দুই রাকা‘আত, আর একা আদায় করলে চার রাকা‘আত আদায় করবে।

১০. সফরে সৈদের সলাত

ক. যদি কোন ব্যক্তি সফরে থাকে এবং সে (স্থানীয়) লোকদের কাছে (সৈদের) সলাত আদায় অবস্থায় উপস্থিত হয়, তবে সে যেন তাদের সাথে (সৈদের) সলাত আদায় করে নেয়।

অনুরূপ হচ্ছে জুম‘আর বিধান।

খ. যদি কোন দল সফর করে তবে তাদের জন্য জুম‘আব সৈদের জামা‘আত প্রতিষ্ঠিত করা চলবে না এই জন্য যে, তা সফরে শরীয়ত সম্মত নয়। কারণ, এটা ওয়াজিব হওয়ার শর্ত হচ্ছে স্থায়ীভাবে বসবাস।

১১. জুম'আ ও ঈদ একত্রিত হওয়া

عَنْ إِيَّا يَسِّ بنِ أَبِي رَمْلَةَ الشَّامِيِّ قَالَ شَهِدْتُ مُعَاوِيَةَ بْنَ أَبِي سُفْيَانَ وَهُوَ يَسْأَلُ زَيْدَ بْنَ أَرْقَمَ قَالَ أَشَهِدْتَ مَعَ رَسُولِ اللَّهِ صَلَّى اللَّهُ عَلَيْهِ وَسَلَّمَ عِيدَيْنِ اجْتَمَعَا فِي يَوْمٍ قَالَ نَعَمْ قَالَ فَكَيْفَ صَنَعَ قَالَ صَلَّى الْعِيدَ ثُمَّ رَخَّصَ فِي الْجُمُعَةِ فَقَالَ مَنْ شَاءَ أَنْ يُصَلِّ فَلْيُصَلِّ

ক. ইয়াস বিন আবি রামলাহ্ হতে বর্ণিত, তিনি বলেন, আমি মু'আবিয়া বিন আবি সুফয়ান (رضي الله عنه) এর সাথে উপস্থিত ছিলাম, এমতাবস্থায় তিনি যায়েদ বিন আরকাম (رضي الله عنه) কে জিজ্ঞাসা করলেন, আপনি কি রসূলুল্লাহ (ﷺ) এর সাথে এমন কোন দিন উপস্থিত ছিলেন, যেই দিন দুই ঈদ (ঈদ ও জুম'আ) একত্রিত হয়েছিল? তিনি বললেন, হ্যাঁ। তিনি প্রশ্ন করলেন, তাহলে তিনি কেমন করেছিলেন? তিনি বললেন, নবী (ﷺ) ঈদের সলাত আদায় করলেন, তারপর জুম'আর ক্ষেত্রে ছাড় দিয়ে বললেন, যে চাইবে, (জুম'আর) সলাত আদায় করবে।^{১১}

খ. আবু হুরাইরাহ (رضي الله عنه) থেকে বর্ণিত,

عَنْ أَبِي هُرَيْرَةَ عَنْ رَسُولِ اللَّهِ أَنَّهُ قَالَ قَدِ اجْتَمَعَ فِي يَوْمِ حُكْمٍ هَذَا عِيدَانِ فَمَنْ شَاءَ أَجْزَأَهُ مِنَ الْجُمُعَةِ وَإِنَّا مُجَمِّعُونَ

১১. আবু দাউদ আলএ. হা/১০৭০ ও ইবনু মাজাহ, সুনান আব-দারেমী মাশা. হা/১৬১২, আল্লামা আলবানী (رحمه الله) হাদীসটিকে সহীহ বলেছেন।

তিনি রসূলুল্লাহ ﷺ হতে বর্ণনা করেন, তিনি বলেন, তোমাদের আজকের এই দিনে দু'টি ঈদ একত্রিত হয়েছে, তাই যে চাইবে তার জুম'আর জন্য (এই ঈদের সলাত) যথেষ্ট হবে, তবে আমরা জুম'আর সলাত আদায় করবো।^{১২}

পূর্বে উল্লেখিত আলোচনার ভিত্তিতে যে ব্যক্তি ঈদের সলাত আদায় করবে সঠিক মতে জুম'আর সলাত না আদায় করলেও তার জন্য যথেষ্ট হবে।

১২. ঈদের খুত্বার বিধান

ঈদের খুত্বায় উপস্থিত হওয়ার সঠিক বিধান হচ্ছে যে, তা সুন্নাত। কারণ,

عَنْ عَبْدِ اللَّهِ بْنِ السَّائِبِ قَالَ شَهَدْتُ مَعَ رَسُولِ اللَّهِ صَلَّى اللَّهُ عَلَيْهِ وَسَلَّمَ الْعِيدَ فَلَمَّا قَضَى الصَّلَاةَ قَالَ إِنَّا نَخْطَبُ فَمَنْ أَحَبَّ أَنْ يَجِلِّسَ لِلْخُطْبَةِ فَلَيَجِلِّسْ وَمَنْ أَحَبَّ أَنْ يَذْهَبَ فَلَيَذْهَبَ قَالَ أَبُو دَاوُدَ هَذَا مُرْسَلٌ عَنْ عَطَاءٍ عَنِ السَّئِيْفِ

অর্থ: আবুল্লাহ ইবনুস সায়িব (رض) থেকে বর্ণনা করেন, তিনি বলেন, আমি রসূলুল্লাহ ﷺ এর সাথে ঈদে উপস্থিত হলাম, অতঃপর তিনি সলাত সম্পন্ন করে বললেন, আমি খুত্বা প্রদান করব, তাই যে খুত্বা শোনার জন্য বসতে চাইবে সে বসুক, আর যে চলে যেতে চায়, সে চলে যাক।^{১৩}

১২. আবু দাউদ আলএ. হা/১০৭৩ ও ইবনু মাজাহ. সহীহ

১৩. আবু দাউদ আলএ. হা/১১৫৫ হাদীসটিকে ইমাম আলবানী সহীহ বলেছেন।

শাহীখ মুহাম্মাদ বিন উসাইমীন (رضي الله عنه) বলেন, যে ব্যক্তি বুখারী, মুসলিম ও অন্যান্যদের সংকলিত হাদীসের দিকে লক্ষ্য করবে, তার জন্য স্পষ্ট হবে যে, নবী ﷺ (ঈদুল ফিত্ৰ ও ঈদুল আযহার) শুধুমাত্র একটিই খুত্বা দিয়েছেন।

ঈদের সুন্নাত ও মুস্তাহাব কাজসমূহ

১. ঈদে তাকবীর (আল্লাহু আকবার) পাঠ করা
দুই ঈদের রাতে মুসলিমদের জন্য উত্তম হচ্ছে মসজিদে,
বাড়িতে এবং রাস্তা পথে সফরে হোক বা বাসস্থলে হোক
তাকবীর পাঠ করা। দলীল: মহান আল্লাহুর বাণী-

وَلْكَبِرُوا اللَّهُ عَلَى مَا هَدَى كُمْ

অর্থাৎ- ‘এবং তোমাদেরকে যে সুপথ দেখিয়েছেন,
তজন্যে তোমরা আল্লাহুর মহত্ত্ব বর্ণনা কর’^{১৪}। ঈদগাহে
পৌঁছা পর্যন্ত রাস্তায় তাকবীর পাঠ করতে থাকবে এবং এই
তাকবীর উচ্চস্থরে পাঠ করবে। এই বিষয়ে সাহাবীগণ ও
তাবেঙ্গন হতে অনেক (আসার) হাদীস বর্ণিত হয়েছেন।
মহিলারাও তাকবীর পাঠ করবে কিন্তু তারা নিচু স্থরে পাঠ
করবে। কারণ, উম্মে আতিয়াহ (أتمة العزاء) হতে বর্ণিত হয়েছে,
তিনি বলেন, “....আমাদের নির্দেশ দেওয়া হয়েছে যে,
আমরা যেন ঝুতুবতী ও পর্দানশীন (বাড়িতে থাকা)

নারীদের ঈদের দিন (ঈদগাহে) নিয়ে যাই, অতঃপর তারা যেন মুসলিমদের জামা'আত ও দু'আয় উপস্থিত হয়”।

২. গোসল এবং সাজ-সজ্জা

ইমাম বুখারী (রহিমাত্ল্লাহ্) বলেন, “ঈদ ও তাতে সজ্জিত হওয়ার অধ্যায়”। অতঃপর তিনি এই অধ্যায়ে ইবনু উমার (আশোরাজা আবু উমার) হতে বর্ণিত একটি হাদীস নিয়ে আসেন, তিনি বলেন, উমার (আশোরাজা) একটি কারুকার্যখচিত রেশমী জুবা নেন যা বাজারে বিক্রয় হচ্ছিল, তারপর তা নিয়ে রসূলুল্লাহ ﷺ এর কাছে উপস্থিত হন। অতঃপর বলেন, হে আল্লাহর রসূল! আপনি এটি খরিদ করে নিন এর দ্বারা আপনি ঈদের ও প্রতিনিধিদলগুলোর জন্য সাজবেন....। ইবনু কুদামা বলেন, এটা প্রমাণ করে যে, তাঁদের নিকট এই সব ক্ষেত্রে সজ্জিত হওয়ার বিষয়টি সচরাচর ছিল। আর ইবনু উমার (আশোরাজা আবু উমার) ঈদে তাঁর সর্বাধিক সুন্দর কাপড়টি পরিধান করতেন।

ইমাম মালিক (আলাইহি) বলেন, আমি আলিমগণ থেকে শুনেছি, তাঁরা প্রত্যেক ঈদে সুগন্ধি এবং সজ্জিত হওয়া পছন্দ করেন এবং গোসল সম্পর্কে উল্লিখিত হয়েছে যে, ইবনু উমার (আশোরাজা আবু উমার) প্রত্যেক ঈদুল ফিতরের দিন ঈদগাহে যাওয়ার পূর্বে গোসল করতেন।

৩. ঈদের সলাতের পূর্বে খাওয়া

ক. আনাস বিন মালিক (رضي الله عنه) বলেন,

عَنْ أَنَّسِ قَالَ كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ لَا يَغْدُو يَوْمَ الْفِطْرِ حَتَّىٰ يَأْكُلَ تَمَرَاتٍ

নবী ﷺ ঈদুল ফিতরের দিন (ঈদগাহে) বের হতেন না যতক্ষণ পর্যন্ত কিছু খেজুর খেয়ে না নিতেন।^{১৫}

খ. বুরাইদা (رضي الله عنه) হতে বর্ণিত, তিনি বলেন,

عَنْ بُرَيْدَةَ قَالَ كَانَ رَسُولُ اللَّهِ صَلَّى اللَّهُ عَلَيْهِ وَسَلَّمَ لَا يَغْدُو يَوْمَ الْفِطْرِ حَتَّىٰ يَأْكُلَ وَلَا يَأْكُلَ يَوْمَ الْأَضْحَىٰ حَتَّىٰ يَرْجِعَ فَيَأْكُلَ مِنْ أَضْحِيَتِهِ

নবী ﷺ ঈদুল ফিতরের দিন (ঈদগাহে) কিছু না খেয়ে বের হতেন না এবং কোরবানীর ঈদের দিন কোরবানী না করা পর্যন্ত খাওয়া-দাওয়া করতেন না।^{১৬}

অতএব, এর দ্বারা প্রমাণ হয় যে, তিনি ﷺ সর্বদা ঈদুল ফিতরের দিন সলাতের পূর্বে কিছু খেতেন এবং ঈদুল আযহার দিন কুরবানী করা পর্যন্ত বিলম্ব করে পানাহার করতেন। যাতে করে সেই দিন সর্বপ্রথম কুরবানীর গোশত থান।

১৫. বুখারী ভাগ. হা/৯৫৩, মুসলিম, মিশকাত হাএ. হা/১৪৩৩

১৬. আহমাদ, যাশা. হা/২২৯৮৪, তিরমিয়ী ঘাঘ. হা/৫৪২

৪. ঈদগাহে বের হওয়ার জন্য তাড়াতাড়ি করা

ইমাম বুখারী (রহিমাত্তুল্লাহ) বলেন, “ঈদের জন্য তাড়াতাড়ী করার অধ্যায়”। অতঃপর তিনি বারা’আ (বুরুজ) হতে বর্ণিত হাদীস তুলে ধরেন, তিনি বলেন, নবী ﷺ আমাদের কুরবানীর দিন খুত্বা প্রদান করলেন এবং বললেন,

أَوْلَ مَا نَبْدَأُ فِي يَوْمِنَا هَذَا أَنْ نُصَلِّي

“নিশ্চয় আমাদের আজকের দিনে যে কাজটি আমরা সর্বপ্রথম আদায় করব তা হলো (ঈদের) সলাত”।^{১৭}

হাফিয় ইবনু হাজার (রহিমাত্তুল্লাহ) বলেন, এটি প্রমাণ করে যে, ঈদের দিন সলাতের জন্য প্রস্তুতি এবং তার উদ্দেশ্যে বের হওয়া ব্যতীত অন্য কোন কাজে ব্যস্ত থাকা উচিত নয়, আর এর দাবী হচ্ছে যে, তার আগে যেন তা ছাড়া অন্য কোন কাজ না করা হয়। তাই এর জন্য সকালেই বের হতে হবে।

৫. মহিলা ও শিশুদের ঈদগাহে যাওয়া

মহিলাদের ঈদগাহে যাওয়ার ব্যাপারে উম্মে আতিয়াহ হতে বর্ণিত হয়েছে, তিনি বলেন, “আমাদের রসূলুল্লাহ ﷺ আদেশ দিয়েছেন যেন আমরা ঈদুল ফিতরে ও ঈদুল আযহায় যুবতী, অবিবাহিতা ও পর্দানাশীন (বাড়িতে থাকা) নারীদের (ঈদগাহে সলাতের জন্য) বের করি, অতঃপর

১৭. বুখারী হা/৯৬৫, মুসলিম হা/১৯৬১

ঝুতুবতী নারীরা সলাত হতে সরে থাকবে এবং কল্যাণে ও মুসলিমদের দু'আয় উপস্থিত হবে”।^{১৮}

শিশুদের বিষয়ে ইবনে আবুস খুল্লু^{১৯} থেকে বর্ণিত, তিনি বলেন, আমি নবী ﷺ এর সাথে ঈদুল ফিত্ৰ বা ঈদুল আয়হায় বের হলাম অতঃপর তিনি সলাত আদায় করলেন তারপর খুত্বা পাঠ করলেন। অন্য এক হাদীসে আছে, “যদি আমার মর্যাদা না থাকত, তাহলে অপ্রাপ্ত বয়স্ক হওয়ার কারণে আমি ঈদগাহে উপস্থিত হবার সুযোগ পেতাম না” অর্থাৎ নবী ﷺ এর অন্তরে যদি আমার আদর-স্নেহ না থাকত।^{১৯}

৬. ঈদগাহে হেঁটে যাওয়া

ঈদগাহে হেঁটে যাওয়া সম্পর্কে তিনটি মারফু হাদীস (নবী ﷺ এর বরাতে বর্ণিত) রয়েছে, কিন্তু তার সবগুলি হচ্ছে দূর্বল হাদীস, যেমন হাফিয ইবনু হাজার ^{জেল্লাহু বলেছেন} বলেছেন। আর আলী ^{জেল্লাহু} থেকে তাঁর একটি উক্তি উল্লিখিত হয়েছে : “সুন্নাত হচ্ছে এই যে, ঈদে যেন হেঁটে আসা হয়”। ইমাম তিরমিয়ী বলেন, এই হাদীসের উপর অধিকাংশ আলিমগণের আমল আছে, তাঁরা ঈদগাহে হেঁটে যাওয়া এবং (ঈদুল ফিত্ৰে ঈদগাহের উদ্দেশ্যে) বের হওয়ার আগে কোন কিছু খেয়ে নেয়াকে মুসতাহাব মনে করেন।

১৮. বুখারী তাও. হা/৯৮১ ও মুসলিম

১৯. বুখারী

৭. ঈদের মুবারকবাদ দেয়া

যুবায়ের বিন নুফাইর থেকে বর্ণিত আছে, তিনি বলেন,

عَنْ جُبَيْرِ بْنِ نُفَيْرٍ قَالَ كَانَ أَصْحَابَ النَّبِيِّ إِذَا التَّقَوْا
يَوْمَ الْعِيدِ يَقُولُ بَعْضُهُمْ لِبَعْضٍ تَقَبَّلَ اللَّهُ مِنَّا وَمِنْكُمْ

রসূলুল্লাহ ﷺ এর সাথীগণ ঈদের দিন পরম্পর সাক্ষাৎ করলে একে অপরকে বলতেন, “তাকাববালাল্লাহ মিন্না ওয়া মিন্কা” অর্থাৎ আল্লাহ্ যেন আমাদের ও আপনার হতে (ভাল কাজসমূহ) কবুল করেন।^{২০}

জেনে রাখা আবশ্যক যে, ঈদের সলাত শেষে মু'আনাকু কোলাকুলী) করা বিদ'আত; কারণ, এটা নবী ﷺ বা তাঁর খুলাফা রাশিদীন (আল্লামা আব্দুল্লাহ হতে প্রমাণিত নয়।

৮. ঈদগাহে যাতায়াতে পরিবর্তন

জাবির (আল্লামা আব্দুল্লাহ জাবির) থেকে বর্ণিত,

عَنْ جَابِرِ بْنِ عَبْدِ اللَّهِ رَضِيَ اللَّهُ عَنْهُمَا قَالَ كَانَ النَّبِيُّ صَلَّى اللَّهُ عَلَيْهِ وَسَلَّمَ إِذَا كَانَ يَوْمُ عِيدٍ خَالَفَ الظَّرِيقَ
নবী ﷺ ঈদের দিনে (যাতায়াতের) রাস্তা পরিবর্তন করতেন” (এক রাস্তা হয়ে ঈদগাহে যেতেন এবং অপর রাস্তা হয়ে বাড়ি ফিরে আসতেন) ^{২১}

২০. হাসান, তামামুল মিন্নাহ আলবানী ১/৩৭০ পৃ.

২১. বুখারী তাও. হা/৯৮৬, মিশকাত হাএ. হা/১৪৩৪

৯. ঈদে খুশী-আনন্দ

আয়িশাহ [আয়িশা] বলেন,

عَنْ عَائِشَةَ قَالَتْ دَخَلَ عَلَيَّ رَسُولُ اللَّهِ صَلَّى اللَّهُ عَلَيْهِ وَسَلَّمَ وَعِنْدِي جَارِيَتَانِ تُغْنِيَانِ بِغِنَاءِ بُعَاثَ فَاضْطَجَعَ عَلَى الْفِرَاسِ وَحَوْلَ وَجْهِهِ وَدَخَلَ أَبُو بَكْرٍ فَأَنْتَهَرَ فِي وَقَالَ مِزْمَارَةُ الشَّيْطَانِ عِنْدَ النَّبِيِّ صَلَّى اللَّهُ عَلَيْهِ وَسَلَّمَ فَأَقْبَلَ عَلَيْهِ رَسُولُ اللَّهِ عَلَيْهِ السَّلَامُ فَقَالَ دَعْهُمَا فَلَمَّا غَفَلَ غَمَرْتُهُمَا فَخَرَجَتَا

“আমার নিকট দুইটি মেয়ে বু’আষ (যুদ্ধ সম্পর্কে) গান গাইছিল এমতাবস্থায় রসূলুল্লাহ [সা] আমার কাছে প্রবেশ করেন। তারপর তিনি বিছানায় শুয়ে যান এবং আপন মুখ্যগুল (অন্য দিকে) ফিরিয়ে নেন। এরপর আবু বাক্র (বাক্রানি) প্রবেশ করেন অতঃপর আমাকে ধমক দিয়ে বলেন, নবী [সা] এর সামনে শয়তানের বাঁশী! তারপর রসূলুল্লাহ [সা] তাঁর দিকে অগ্রসর হলেন এবং বললেনঃ “ওদের ছেড়ে দাও” অতঃপর যখন তিনি [সা] অমনোযোগী হয়ে গেলেন। আমি মেয়ে দু’টিকে বের হওয়ার জন্য ইঙ্গিত করলাম, তারপর ওরা বের হয়ে গেল” ।^{২২}

হাফিয় ইবনু হাজার খ্রিস্টীয় বলেন, এই হাদীস দ্বারা যে সব মাস'আলা প্রমাণিত হয় তার একটি হলো, ঈদের দিন গুলিতে পরিবার-পরিজনের জন্য বিভিন্ন প্রকার ভাল-ভাল পানাহারের ব্যবস্থা করা। যাতে করে ইবাদতের কষ্ট থেকে শরীরের আরাম ও মনের আনন্দ অর্জিত হয়। তবে এই সব পরিত্যাগ করা শ্রেয়। আর এই হাদীস দ্বারা আরো প্রমাণিত হয় যে, ঈদসমূহে আনন্দ-উৎসব প্রকাশ করা দীনে ইসলামের একটি নির্দশন।

সমাপ্ত

ওয়াইদিয়া ইসলামিয়া লাইব্রেরী থেকে প্রকাশিত শায়খ মতীউর রহমান মাদানী এর নিম্নিত্ত ও অনুদিত বইমূহুর

- | | |
|---|---------------------|
| ❖ নাবী চরিত | ❖ সুরক্ষিত দৃগ |
| ❖ সলাত পরিত্যাগ কারীর বিধান | |
| ❖ ইসলাম : মধ্যপন্থা | ❖ জাদুর চিকিৎসা |
| ❖ ইসলামী জীবন পদ্ধতি | ❖ আকৃতি ওয়াসীতিয়া |
| ❖ সরল হজ্জ, উমরাহ ও মদীনা যিয়ারত | |
| ❖ নাবী কারীম রেস্ত এর সলাত আদায়ের পদ্ধতি | |
| ❖ ঈদের সংক্ষিপ্ত মাসায়িল | |

লেখকের অন্যান্য সকল বই ওয়াইদিয়া ইসলামিয়া লাইব্রেরী
রাজশাহী থেকে ধারাবাহিকভাবে প্রকাশিত হচ্ছে।